

Noaua!!



ISO 9001 ziurtagiria
Eguneko Zentroarentzat



Larunbatean, Ikasle Egunean,
Ojos de Brujo taldeak sorginduko gaitu

Euskal zeramika



ERRAUSKETARIK EZ
LURRA BASERRIK HERRIA
BIZIRIK

Alkartasuna Elkartea Baserritar Kooperatiba

alkartasuna@usurbil.com | Ugarte industrialdea 12

☎ 943 361 114

www.noaua.com
usurbildarron zerbitzura



Albisteak iruditan !!

Hau da hau tomate puska

Aurreko batean, onddo erraldoi baten argazkia ekarri zigun irakurle batek. Oraingoan, tomatea da protagonista.

E-posta bidez jaso genuen argazki hau lehengo astean (azaroaren 7an asteazkena). Argazkiarekin batera idatzi hau ere jaso genuen:

“Kaixo lagunok! Gure herriko baratzan onura agertze asmoz, honako argazkitxo hau bidaltzen dizuet. Aitona Jabierrek Gorostitxo inguruko baratzean landatutakoaren ondorioetako bat dugu hau. Agur bero bat!”.

Argazkian ikus daitekeen bezala, 1.520 gramoko pisua du bi haurrak eusten ari diren tomateak.



Noaua!!

NOAUA! Kultur Elkarte Bordaerri 3 Eguzkitzaldea - 20.170 Usurbil
943 36 03 21 - elkartea@noaua.com - www.noaua.com

Jendaurreko ordutegia: 10.00-14.00 / 16.00-19.00 astegunetan

Elkarteko lehendakaria: Ana Aizpurua, elkartea@noaua.com

Aldizkariako koordinatzailea: Imanol Ubeda, erredakzioa@noaua.com

Idazkaria: Alaitz Aizpurua, elkartea@noaua.com

Publizitatea: Intza Salsamendi, publizitatea@noaua.com

Kolaboratzaileak: Lontxo Zubiria, Ane Manzisidor, Maria Angeles Arruti, Ainhoa Salsamendi, Maria Jesus Urbiet, Nerea Korta, Aritz Gorriti, Jone Eizmendi, Ainara Arnaiz, Begoña Rekondo, Iñaki Agirresarobe, Ana Urdangarin, Eneko Harreguy, Iñaki Labaka, Koldo Huegun, Aloña Loidi, Imanol Goenaga, Agustín Esnaola, Alex Tello, Pako Agudo, Sara Lazkano, Nerea Aizpurua, Alazne Begiristain, Xabier Arregi, Edorta Agirre, Pello Aranburu, Ainara Uribe, Joseba Pellejero, Maider Makazaga, Aloña Pulido, Ainhoa Azpiroz, Aitor Landaluze, Josu Aranberri, Luis Aranalde, Nerea Zinkunegi, Idoia Torregerai. Denborapasak: LUMA, O.E.

Erredakzio kontseilua: Imanol Ubeda, Aritz Gorriti, Agurtzane Solaberrieta, Joxe Luis Arrastoa, Alaitz Aizpurua.

Informatika: Topaguneko informatika zerbitzua.

Banaketa: Miren Azkonobieta, Txelo Vidal eta Kerman Errekondo.

Elektrikaria: Iñaki Salsamendi.

Tirada: 2.600 ale

Lege-Gordailua: SS-668-96 - ISSN: 1136-6818

Inprimategia: Antza. Zirkuitu Ibilbidea, 2. 20160 Lasarte-Oria.

IKA MIKA ATALEAN PARTE HARTU NAHI BADUZU, GOGOAN IZAN IDATZIAK GEHIENEZ 2.000 KARAKTERE IZANGO DITUELA. ALE BAKOITZEAN EZ DIRA BI IKA-MIKA BAINO GEHIAGO ARGITARATUKO. IKA-MIKA BAT BAINO GEHIAGO IRISTEN BADA, **NOAUA!**K IDATZI HORIETAKO BAT HURRENGO ALE BATEAN ARGITARATZEKO ESKUBIDEA IZANGO DU. IDATZIA ARGITARATZE-DATA BAINA ASTEBETE LEHENAGO EKARRI BEHAR DA.

NOAUA!k ez du bere gain hartzen IKA MIKA atalean eta, orohar, aldizkarian adierazitako esanen eta iritzien erantzunkizunik.

Aurkibidea

ZUBEROAKO IKASTOLEN ALDEKO OTARRA **8. OR.**

OJOS DE BRUJO, IKASLE EGUNEAN **10. OR.**

ELKARTE ARTEKO MUS TXAPELKETA **12. OR.**

ARGAZKI ETA BIDEO LEHIAKETA **13. OR.**

NOAUA! TXIKIN, DENBORAPASAK **14. OR.**

USURBILDARRAK BEHOBIA-DONOSTIAN **15. OR.**

MURAL LEHIAKETA ANTOLATU DA **17. OR.**



Euskal presoak



Euskal Herrira!



**EUSKO JAURLARITZA
GOBIERNO VASCO**

KULTURA SAILA

Hizkuntza Politikarako Sailburuordetza



NEREA ZINKUNEGI

Udazkeneko Hortz-Adarra

Intxaurrondoa etxe atarian, lizarrei hostoak darie-
la bizikletaz bueltatxoa, salda beroa, zeru
gorriak, gaztainak sutan, marroi pantonea mendie-
tan, hego haize epela, garo berdeak, saskia bete gibel
urdin, ustekabeko izotza, moreak... udazkeneko
ortzadarra.

Pixa usaina etxe atarian, Ucini kiratsa dariola bizi-
kletaz bueltatxoa, salda ez dago, sudur gorriak, gaz-
tainaren morkotsa, iazko zapata marroiak, aldarte
epela, txiste berdeak, saskia bete urritxa, ustekabeko
bisita,itsuak... udazkenekooo...

Gazte bat pixari eutsi ezinik etxe atarian (taberna
bost bat metrotara, etxea ere ez du urruti izango, hala
ere bertan egin behar), beharko ez lituzkeen sustan-
tziak dituelako botatzen omen du kiratsa Ucinen
urtzen den aluminioak, iluntze aldera beti, eta bizi-

kletaren gorpila zulatuta dagoenez kotxean noa, liza-
rraren hostoak politak dira kristalaren kontra eror-
tzen direnean, mingain urdina duen beldurak jota
zankarrik erosi ez duelako egin gabe geratu da salda,
sudur zulo zurituak, ostiral gaueko "kaztaña",
marroiak lanean, marroiak etxean, lenteja marroiak
eta epelak, bide bazterreko berdeak, saskia bete garo,
ezta urritxik ere, ustekabeko ustekabea, "bitxuak"
nonahi... udazkeneko hortz-adarra...

Jarraituz gero non bukatuko ote? Berriro hasiko
naiz...

Intxaurrondoa etxe atarian, lizarrei hostoak dariela
bizikletaz bueltatxoa, salda beroa, zeru gorriak, gaz-
tainak sutan, marroi pantonea mendietan, hego
haize epela, garo berdeak, saskia bete gibel urdin,
ustekabeko izotza, moreak... udazkeneko ortzadarra.

Aitor Landaluze - Luis Aranalde - Aritz Gorriti - Imanol Ubeda - Nerea Zinkunegi - Idoia Torregerai - Joxe Piñas - Unai Agirre

Ilka-mika !!

Eskerrik asko

Azaroaren 1eko Artisautza Azokan
Aikusi eta dastatu ahal izan geni-
tuen herritar talde batek danbolinean
erretako gaztainak. Oraingo honetan,
eskerrak emateko idatzi nahi dugu tarte
honetan.

Zuetako asko ez zineten konturatu
akaso baina gaztainen trukean utzi zenu-
ten dirua beste urte batez ere, helburu
zehatz baterako bildu zuten. Urtero egin
ohi dute eta pasa den urteetan 18/98+

mugimenduaren alde eman zuten
moduan, aurten erraustegiaren kontrako
mugimenduari eman dizkigute xoxak.

Hemendik eskerrak ematea bakarrik
geratzen zaigu, gaztainak erretzen aritu
ziren herritarrei eta gaztainak jan eta
beraien borondatea bertan utzi zutenei.
Denon laguntza beharrezkoa izango da
erraustegiaren proiektua bertan behera
uzteko baina, argi dugu, proiektu hau
guztion laguntzarekin geratuko dugula.

Gu gure aldetik, saiatuko gara errauste-
giaren kontrako kanpaina eta egitasmok
aurrera ateratzen eta hondakinen ara-
zoari alternatiba zentzudun eta garbiak
bultzatzen. Aurrerantzean ere kalean
egongo gara panel informatiboekin,
gabonetako kontsumo arduratsuen
kanpainarekin, mural bat egiten eta...
Mila esker guztioi.

Usurbil Bizirik

IKA MIKA ATALERAKO IDATZIAK GEHIENEZ 2.000 KARAKTERE IZANGO DITU. ALE BAKOITZEAN EZ DIRA BI IKA-MIKA BAINO GEHIAGO ARGITA-
RATUKO. IKA-MIKA BAT BAINO GEHIAGO IRISTEN BADA, NOAUA!k IDATZI HORIETAKO BAT HURRENGO ALE BATEAN ARGITARATZEKO ESKUBIDEA
IZANGO DU. NOAUA!k ez du bere gain hartzen IKA MIKA atalean adierazitako esanen eta iritzien erantzunkizunik.
Hurrengo alea: azaroak 23. Idatzia ekartzeko azken eguna: azaroak 19.

teilatua eta fatxadak
JOSE AIZPURUA UNANUE

Obaba kalea 29 · ASTEASU
943 69 68 52 · 620 800 186

BORDATXO
edaritegia

PINTXO BEREZIAK

Zubiaurrenea, 5
Telf: 943 37 10 42

URDAINTZI S.L.
teikuntza

943 337 234
943 435 375
649 035 476

Lanuzteei ekitea proposatu du LABek

Michelineko gainontzeko sindikatuek denbora eskatu dute

Astearteko Berria egunkariak zekarren albisteak: ELAk, ESKk, UGTk eta CCOOk denbora eskatu diote LABi Michelin lantokian lanuzteak hasi edo ez erabakitzeko. LABen iritziz, ordea, luzamenduetan ari dira, “epe guztiak amaitu eta gero ezer ez egiteko”.

Joan den ostegunean elkartu zen azkenekoz enpresa batzordea Michelineko zuzendaritzarekin. Eta enpresak “keinu txikiak bakarrik” egin zituela-eta, egun hartan bertan proposatu zien LABek gainerako sindikatuak astean behin lanuzteak egiten hastea. Astelehen honetan elkartu ziren guztiak gaia aztertzeko. Eta “denbora” behar zutela adierazi zioten LABi.

“Ezin dugu ulertu jarrera hori”, adierazi du Jon Martin LABek lantegian duen arduradunak. “Erabat proposamen irekia egin dugu, edozein gauza onartzeko prest geunden, baina inork ez du ezer planteatu”. Epeak amaitzeaz daudela gogoratu du. Izan ere, urriaren 3an aurkeztu zion Michelinek administrazioari berregituraketa plana, eta ordutik 30 egun ditu enpresak sindika-



URRIAN, LASARTE-ORIAN EGIN ZEN MANIFESTAZIOA.

tuekin negoziatzeko. “Duela hilabete pasatxotik datu guztiak mahai gainean daude, eta orain bakoitzak erabaki behar du zein estrategiarekin jokatu”.

Hala, LABek ez du baztertzen berak bakarrik mobilizatzen hastea. “Gauza garrantzitsuak daude jokoan eta ez gaude prest beste sindikatuen luzamenduak onartzeko”, esan du Martinek. Haren hitzetan, “zerbait egiteko ordua da, bestela beranduegi izango da”.

Michelinek Lasarteko lantokian 367

langile aurrez erretiratu nahi ditu, lana uzteko sariak eman nahi dizkie 50 bati, eta Gasteizen daukan lantegira eraman nahi ditu 156 –aldi baterako 50, eta behin betiko 94–. LABek salatu duenez, 600 lanpostu inguru suntsituko dira eskualdean. Ostiralean elkartuko dira berriro enpresa batzordea eta zuzendaritza. “Ordurako sindikatuek iritzia aldatzea espero dugu”, dio Martinek.

BERRIAN, AZAROAREN 13AN

Errausteak alternatibak badituela dio EAE-ANVk;

EAK eta EAJ-PNVk San Markosko zabortegia ixtea eskatu dute

Hiri hondakinen gaiak ere, albiste ugari eman ditu egun haueetan. EAE-ANVk alternatibak aldeko apostua berretsi du. EA eta EAJ-PNV alderdiek, San Markosko zabortegia ixtea eskatu dute.

Errauste sistemak alternatibak badituela uste du EAE-ANVk. Hala adierazi zuten lehengo astean Imanol Azpiroz eta Josetxo Ibazeta hautetsiek, Usurbilgo udaletxean eskaini zuten prentsaurrekoan. Lehenik eta behin, prebentzioaren alorrean neurriak hartzearen alde egingo dute alderdiko hautetsiek; besteren artean, kontzientiazio kanpainak sustatzearen, tasak egokitzearen eta egungo bilketak masiboa gaikakoarengatik aldatzearen

aldekoak. Beste alde batetik, hainbat gairen berrerabilera bultzatzeko neurriak ere defendatuko dituzte. Eta, azkenik, zaborra sortu eta gero ahalik eta gehiena birziklatzeko ahalegina egitea aipatu zuten, baita zaborraren zati organiko ustelkorrari dagokionez ere.

Bide horri jarraituz, zaborra sortzen den tokitik ahalik eta gertuen tratatzea proposatu zuten. Horretarako, azpiegitura txikiak egitearen alde azaldu ziren EAE-ANVko hautetsiak.

Zabortegia itxi

San Markosko Mankomunitateak zabortegia behin betiko ixteko biderik eman ez izana leporatu diote EAK eta EAJk Mankomunitatearen zuzendaritza-

ri. Bi alderdiek gogor kritikatu dute San Markosko Mankomunitatea zuzentzen duten arduradun politikoen jarrera –EB eta EAE-ANV–. Pasa den astelehenean, Mankomunitateko Batzordea elkartu zen, eta bertan hainbat gai aztertu ez izana gogor gaitzetsi dute. Besteak beste, Gipuzkoako Hondakinen Partzuergoaren eta Mankomunitatearen arteko elkarlanari bidea eman ez izana kritikatu dute, eta “isilpean” utzi izana mankomunitatearen aurrekontuen aurkezpenean. “Gipuzkoako Hondakinen Partzuergoaren finantzaketarako hitzarmenarekin bat egiteari dagozkionak landu gabe utzita, ezinezkoa egiten da San Markos zabortegiaren itxierarako aurreikusitakoak betetzea”.

Eli Goikoetxea, musika irakaslea

“Haurrek izugarri gozatzen dute musikarekin”

Haurren abestiak gurasoei erakusteko hiru saioetan lehenengoa eskaini du Eli Goikoetxea musika irakasleak. 0-3 urte arteko haurren gurasoei zuzenduta Oinarriak Eraikiz Guraso Elkartek antolatu duen ikastaroak hilaren 19an eta 26an izango du jarraipena.

NOAUA! Nondik dator saio hauek antolatzeko asmoa?

Eli Goikoetxea. Lagun bat dut Haur Eskolako hezitzailea dena. Eta hark aipatu zuen, gurasoen artean beharrezkoa ikusten zutela haur abestiak eza gutzea, haiekin parte hartzeko. Baina ez zekizkiten eta beraz, ezin zuten parte hartu. Berak aipatu zidan ia prest egongo nintzen Haur Eskolako gurasoei haur kantak, bere mugimendu eta dantzekin irakasteko.

ELI GOIKOETXEA

“Asmoa, gurasoek seme alabekin erlazionatzeko beste modu alai, polit eta atsegina izatea da”

N. Kantez gain, baita dantzak ere?

E. G. Dantzan jarriko ditut denak. Umeek ez baitute abesten geldirik, denak dituzte mugimenduak, edo dantzak.

N. Abestien artean, garai batekoak berreskuratzeko dituzue?

E. G. Noski, batzuk betikoak dira. Orain atera dituzte bertso ezberdinak, baina funtsean, garai batetik hona kantak ez dira asko aldatu.

N. Hurrei kantak abesteko ohitu-

ra dezente galdu al da?

E. G. Lehen kalean asko abesten zen. Gure garaian kanta asko ez ziren eskolan ikasitakoak, etxean entzundakoak baizik. Baina orain hori ez da ikusten. Etxean ez dago abesteko joera edo ez dira kantak mantentzen, gordezten.

N. Saio sorta amaitzerako zer da lortu nahi zenukeena?

E. G. Lotarako, jatorduetan engainatzeko erabiltzen diren kantak, edo haiekin jolaserako edo dantza egiteko...

Hainbat momenturako zenbait kanta gurasoek prest izatea. Bide batez, gurasoek seme-alabekin erlazionatzeko beste modu alai, polit eta atsegina izatea. Hori da nik dudana helburua.

N. Haur txikientzat musikak duen onura azpimarratzekoa da?

E. G. Egia da musikak edozein egoera, momentu atseginagoa egiten duela. Ikusten da umeek izugarri gozatzen dutela musikarekin. Haiek konturatzen dira gure tonuaz, goxogoxo abesten ote diegun... Azkenean, musikak jendeak erakartzen du eta komunikaziorako oso ona da.

N. Musikarekin lotura du zure lanak?

E. G. Musika irakaslea naiz, une honetan Lehen Hezkuntzan nago. Lehen esperientzia da gurasoekin, baina berdin jarriko ditut dantzan, mugitzen eta haurrekin egiten dudana saioa egingo dut haiekin. Hori bai, modu kontzentratuagoan. Printzipioz hiru saio jarri ditugu, baina prestatu dudana kantu piloarekin ez dakit nahikoak izango ote diren. Esperientzia gustuko badute, agian beste batzuk ere animatuko dira tailer honetara.



LEHENGO HASTEAN HASI ZEN ELI GOIKOETXEA ESKAINTZEN DUEN IKASTAROA.

Helduek haurren abestiak ikasteko tailerra, Eli Goikoetxearen eskutik

Eli Goikoetxea irakasleak 0-3 adin tarteko haurrentzako abestiak landuko ditu, gurasoak ere kantatzeko gai izan daitezen.

NORENTZAT: 0-3 adin tarteko haurren gurasoentzat.

NOIZ: azaroaren 19an eta 26an.

NON: Haur Eskolan.

MATRIKULA: 10 euro.

ANTOLATZAILEA: Oinarriak Eraikiz Guraso Elkartea.

INFORMAZIOA: 943 374 061.

Eguneko Zentroak

ISO 9001 ziurtagiria eskuratu du

Eguneko Zentroan egiten ari diren lanarengatik, ISO-9001 ziurtagiria eman diote GSR enpresari, zerbitzu hau kudeatzen duen enpresari. Eguneko Zentroaren eskaintza kalitatezkoa dela dio ziurtagiri honek. Izendapenaren berri emateko, lunch modukoa antolatu zuten lehengo astean. GSR enpresako arduradunak, langileak eta bertan diren bezeroen familiak elkartzeko aitzakia izan zen. Udal ordezkariak ere han izan ziren. Ziurtagiriaz eta Eguneko Zentroaren martxaz hitz egiteko, GSR enpresako Itziar Zubiri izan dugu solaskide.



AZAROAREN 7AN, LUNCH BATEKIN OSPATU ZUTEN ISO 9001 IZENDAPENA.

NOAUA! ISO 9001 delako ziurtagiria jaso du Eguneko Zentroak. Zer suposatzen du horrelako sari bat esku-ratzeak?

Itziar Zubiri. Gauzak ondo egiten diren seinale da ziurtagiria. Guk bage-nekien gauzak ondo egiten zirela, baina izendapen hau Eguneko Zentroan egiten den lana ona dela esatera dator.

N. Zenbat bezero daude orain Eguneko Zentroan? Eta zenbat dira langileak?

I. Z. Bi dira Eguneko Zentroan lanean aritzen direnak. Eta bezeroak, orain-txe bertan, 11 dira egunero zentrorra datozen herritarrak.

N. Laster, asteburuetan ere zabaldu-ko dituzue ateak, ezta?

I. Z. Bai, hala da. Orain astelehene-tik ostiralera irekitzen dugu Eguneko Zentroa, baina epe laburrean astebu-ruetan ere irekiko dugu. Azaroan has-tekoak ginen, baina urrats juridiko batzuk eman behar dira oraindik. Beraz, okerrik ez bada, urtarrilean hasiko gara asteburuetan eta jai egune-tan zabaltzen.

N. Asteburuetan zabaltzearena, zuen

ekimena izan da ala bezeroen eskaera?

I. Z. Urtero, gure bezeroen artean inkesta moduko bat egiten dugu. Jendeak gure lana nola baloratzen duen neurtzeko baliagarri izaten da. Inkesta horretan, astebukaeratan irekitzeko proposamena egin zitzaigun. Udal tek-nikariekin eta bezeroen familiarekin bile-ra bat egin genuen eta astebukaeratan irekitzeko tramitazioak jarri genituen martxan. Orain, denbora kontua da baina urtarrilerako nik uste dut posible izango dela.

Dena den, astebukaeratan, gehienez 6 pertsona hartuko genituzke. Hori baita egin zaigun eskaera.

N. Langile gehiago hartu beharko dituzue.

I. Z. Orain bi langile eta terapeuta bat ari dira lanean (azken hau, astean zazpi bat ordutik). Eta ni neu hau guztia koordinatzen. Asteburu eta jaieguneta-ko ordutegia osatzeko beste langile bat hartuko dugu.

N. 12 dira gehienez Eguneko Zentroak jaso ditzakeen herritarrak. Ez al da kopuru mugatua?

I. Z. Gaur egun, 11 dira Eguneko Zentrorra datozenak. Baina lau urteotan mugimendu asko egon da. Zazpi baja izan dira. Noizbait itxaron zerrendarik ere osatu behar izan da. Baina ez da ohi-koena. Nire ustez, orain egiten den eskaintza egokia da.

“Ematen den zerbitzua oso ona da”

GRS enpresako kide da Itziar Zubiri. Bera da Kalezarren dagoen Eguneko Zentroa koordina-tzeaz arduratzen dena. Adierazi digu-nez, “oso kontentu gaude Eguneko Zentro honetan egiten den lanarekin. Ematen den zerbitzua oso ona da eta bertan ditugun aiton-amonak oso ondo aurkitzen dira hemen. Familiarrak ere pozik daudela esango nuke”. Horretaz, aparte, herrian harrera ona izan du zentroak eta hori ere pozgarria da Itziar Zubirirentzat.

Zuberoako ikastolak laguntzeko, bertako produktuez osatutako otarrak eskuragarri

Eguberrietarako hilabete falta dela eskaintza ezin hobe egin berri dute Zuberoatik; Sohütako Eperra eta Alozeko Basaürüko ikastolak laguntzeko kanpainen parte hartzea, bertako produktuez osatutako otarrak erosita. Hilabete amaierara arte eska daitezke Txiribogan eta Txirristran. Gabonetan sabela goxatzeko eta bide batez, Zuberoako ikastola laguntzeko aukera paregabea da honakoa.

Urte amaierara hurbiltzen ari gara, eta bat baino gehiago datozen gabonetarako zer menu prestatu pentsatzen hasiko da laster. Produktu aukera zabala da, baina guztiak ez dira Zuberoatik datorkigun eskaintzaren parekoak. Eguberri hauetan otordu mahaian bertako produktuak dastatzeko modua izango da. Bai behintzat, Nafartarrak Kultur Taldearen laguntzaz eskuragarri dauden otarrak erosten dituenak. Zuberoako ikastoletako guraso taldeek haien eskuz egindako produktuez otarrak osatu dituzte.

EGOERA ZAILEAN

“Zuberoan bi ikastola
besterik ez daude: Sohütako
Eperra eta Alozeko Basaürü,
eta laguntza beharrean dira”

Bertako ikastolei primeran datorkie otar hauen bidez jasotako laguntza, egunerokotasunean sortzen diren gastuei aurre egin beharra dago eta. Une honetan, Zuberoan bi ikastola besterik ez daude; Sohütako Eperra eta Alozeko



HERRITAR HAUEK BIDERATUKO DUTE ZUBEROAKO IKASTOLEN ALDEKO KANPAINA.

Basaürüko ikastolak. Eta laguntza beharrean dira.

Herrian, hirugarren urtez Nafartarrak Kultur Taldeak deialdia egin berri du. Eta zabaltzen doa pixkanaka Zuberoako ikastolei bultzada eman asmoz, urte garai honetan abian jarri ohi den ekimena. Bizkaian ekin zioten eta pixkanaka geografikoki hedatuz joan da. Handik Gipuzkoara zabaldu zen; besteak beste, Usurbila.

Gazta, pateak, patxarana...

Zuberotarrek bertan egindako produktuez bi otarre osatu dituzte. Horietako bat, Ahusqui izeneko otarra dugu. Kilo bateko ardi gazta, 500 gramo ezti, ahate giblezko 200 gramo pate eta bizkotxo poltsa batez osatua dago. Irati izeneko otarrean berriz, aipatutako produktuei,

1,70 litro patxaran botila gaineratu diote. Azken otar hau 48 euroren truke eskura daiteke. Ahusqui izeneko, 36 euroren truke. Produktu eder hauek dastatzera deitzen dute zuberotarrek: “Zuen parte hartzean bermatzen gara, eta esperantza dugu hemengo produktuak asko gozatuko dituzuela”.

Txirristran eta Txiribogan eskuragarri

Otarrak eskuratzeko herriko bi tabernetara jo besterik ez dago. Txiribogan edo Txirristran norbere izen abizenak eta telefono zenbaki bat utzita, kanpainen parte hartu eta otarra eskura daiteke. Horretarako, hilabetea bukatu arteko epea dago.

ARITZ GORRITI



Datorren asteazkenean, Sutegin, transgenikoei buruzko hitzaldi interesgarria

Sektore ugari eta, batez ere, ekoizpen biologikoan dihardutenetik transgenikoen ondorioak garbi aztertu arte mota horretako hazien erabilpena debekatzeari aspaldu ari dira eskatzen. Baina hazigintzako enpresa multinazional (Monsanto, Pioneer, Limagrain, Syngenta...) botereetsuen interesek gaina hartu dute eta hainbat gobernu erabilpena legez ahalbidetu dute. Datorren asteazkenean, gaitz honi buruzko hitzaldia eskainiko dute nekazari batek eta EHNE sindikatuko ordezkari batek. Aitzagak antolatu duen hitzaldia arratsaldeko 19:30ean hasiko da.

Europar Batasunak hazi transgenikoak erabiltzea baimendu duenetik, aurtun, lehen aldiz erein da arto transgenikoa Ipar Euskal Herrian.

Ekoizle biologikoak, kezkatuta Nafarroan ere badira zenbait eremu hazi mota horrekin ereindakoak. Momentuz, biologia, nekazaritza, ekologia eta kontsumitzaile esparruen aldetik transgenikoen erabileraz planteaturiko arrisku eta zalantzak direla medio, Erkidego Autonomoan halako

moratoria aplikatzen ari da eta ez da hazi transgenikorik erabiltzen.

Produktu biologikoak ekoizten dutenek, ordea, oso kezkatuta daude, beraiek egin dituzten azterketek transgenikoek beste landareak kutsatzen dituztela frogatu baitute. Ez hori bakarrik, erleen polena bera kutsatu egiten dela egiaztatu dute.

Baina, zer demontre dira horrenbeste entzuten diren transgenikoak? Zer eragin dute nekazaritzan eta elikagaie-tan? Kaltegarriak al dira? Nola jakin daiteke jaten dugun tomatea edo erabiltzen dugun irina transgenikoa den ala ez? Zergatik herrialde batzuetan onartzen dira eta besteetan arbuiatu? Egia al da soluzioa izan daitekeela gose-teak jota dauden herrialdeetarako?

HITZALDI PRAKTIKOA

“Landare bat transgenikoa den ala ez jakiteko test bat egingo dute zuzenean, Sutegiko hitzaldian”

Hainbat galdera zintzilik, erantzun zehatzik gabe... edo, behar bada, erantzun oso argia dutenak.



HITZALDIAN NEKAZARI BATEK ETA EHNEKO ORDEZKARI BATEK HARTUKO DUTE PARTE.

Kezka horiek argitzen saiatuko dira datorren asteazkenean Sutegin eskainiko den hitzaldian. Aitzaga elkarteak antolatu duen hitzaldian bi hizlarik hartuko dute parte:

-Jon Harluxet Bio-Akitaniako presidentea, Biharko Lurraren Elkarteko partaidea eta nekazaria Duzunaritzen (Nafarroa Behea).

-Enrike Gisasola biologoa eta artzaina. EHNEko ordezkaria.

Gainera, landare bat transgenikoa den ala ez jakiteko egiten duten test bat ere egingo dute zuzenean, datorren asteeko hitzaldian.

ALBISTEAK EDIZIO JARRAITUAN • ALDIZKARIA ON LINE • INKESTAK • FOROAK • POSTA

WWW.NOAUA.COM

USURBILGO ATARIA

JOSUE
ARANZAZISTROKI
IGELTSERITZA
eta
PINTURA

Juan Jose euea, 6 Kalegor
Tlf: 606 57 21 05

ANTXETA
taberna-jatetxea

ogitartekoak
egunerako menua
plater konbinatuak

EGUZKITZA, 4 USURBIL - 943 370 344

Haginak ondo dabiltzanean, sabela poz!

USURBILGO HORTZ KLINIKA

FERNANDO PEREZ-MOSSO NENNINGER
ANTONIO BERNAL RUIZ DE OÑA

Kale Nagusia, 2 1.C4
Tlf 943 37 08 78

20170
USURBIL

Larunbat honetan, Ikasle Festa

Ikasleen Nazioarteko Eguna izango da azaroaren 17koa. Egun honen bueltan, euskal ikasleen topaketa antolatu ohi du Ikasle Abertzaleak. Aspaldiko partez, Usurbilen ospatuko da Ikasle Eguna. Egunez, hainbat ekitaldi egingo dira eta, gauez, kontzertua: Latzen, Oliba Gorriak, Delorean, Ojos de Brujo eta Edan taldeek alaituko dute ikasleen eguna. Larunbat honetan, beraz, ikasleak izango dira nagusi.

Jendetza espero da. Jaialdira datozen taldeek oihartzun handia dutelako eta, bestela ere, euskal ikasleen topaketa honek lagun asko erakarri ohi dituelako.

Ojos de Brujo Bartzelonako Raval auzoan sortutako taldea da. Flamenkoarekin harremanatu izan duten arren, iturri askotatik edaten duen taldea da. Hala ere, zuzenekoak da talde honen bereizgarri nagusia: askorentzat, ez dauka parerik. Hamaika musikari biltzen dira eskentokiaren gainean. Dirudienez, zuzeneko eskaintzaren bikaintasuna ahoz aho pasa da entzuleen artean eta jarraitzaile ugari bildu du oso denbora gutxian.

Bitxia da Ojos de Brujoren sorrera

FRONTOIAN KONTZERTUA

“Ojos de Brujorekin batera beste lau talde arituko dira larunbatean: Latzen, Delorean, Oliba Gorriak eta Edan”

eta bilakaera. Lagun talde gisa hasi ziren, Bartzelona aldeko taberna ezberdinetan elkartu, eta ordu txikiak arte jotzen. Antza denez, Ojos de Brujorekin hasi baino lehen, nork bere taldea zuen. Talde hau esperimentatzen eta gustuko zuten musika egiteko



LEHENGO ASTEAN, GRAMMY LATINO BAT ESKURATU ZUEN OJOS DE BRUJO TALDEAK, URTEKO FLAMENKO DISKO ONENARENGATIK.

txokoa zen, batik bat. “Denborak aurrera egin ahala konturatu ginen merezi zuela ordura arte bizitako guztia disko batean jasotzea”, zioen azken diskoaren aurkezpenean taldeko gitarjoleak. Eta hala atera zuten lehen lana, “Vengue” izenekoak, 2000. urtean. Diskoak talde izaera eman zion Ojos de Brujori.

2002an, “Bari” diskoa plazaratu zuten. Disko horrek munduko hainbat herritara eraman zituen: Frantzia, Alemania, AEB, Japonia... Lau urte eman zituzten ia herririk herri jotzen. Eta iaz plazaratu zuten “Tchari” diskoa, larunbat honetan Usurbilen zuzenean aurkeztuko duten lana da.

Latzenen itzulera

Ojos de Brujorekin batera, beste lau talde izango dira Ikasle Eguneko kontzertuan: Latzen (duela 10 urte desagertu zen baina berriz itzuli dira), Delorean (zarauztarrak, zuzeneko ikusgarria dute), Oliba Gorriak eta Edan (Ikasle Eguneko abestia egin duen taldea).

Ikasle Eguna '07

egitaraua

- 11:00 mahainguruak.
- 13:30 Plenarioa.
- 14:30 Bertso bazkaria.
- 17:00 Hitzaldiak, jolasak, erakusketak...
- 19:30 Manifestazioa.
- 20:30 Ekitaldi politikoa.

Eta gauez, ondoren kontzertuak: Latzen, Oliba Gorriak, Delorean, Ojos de Brujo eta bukatzeko, erromeria Edan taldearekin. (Kontzerturako sarrerak Irratin salgai).



ZUZENKO IKUSGARRIA DU DELOREAN ZARAUZTAR TALDEAK.

Panpinak eta aktoreak elkarrekin ostiral honetako antzerki saioan

Lakrikun taldearen antzerki saioa ikusi gabe geratu ginen. Tira, antzerki zaleok beste aukera bat izango dugu ostiral honetan. Deja Bu talde oreretarrak "Gizona ez da txoria" antzezlan eskainiko du Sutegin, gaueko 22:30ean hasita.

Albiste honen izenburuak dioten bezala, txotxongiloek eta aktoreek elkarrekin bat egingo dute ostiraleko antzerki saio honetan. Edukiari dago-kionez, Bosniatik Euskal Herrira etorri den emakume baten istorioa kontatuko zaigu. Gerrak suntsitutako herritik ihesi egin ondoren, Selmak

Simon aurkituko du. Simonek bizitza osoa baserrian eman du, baina azpiegitura erraldoi bat dela medio, hiriko pisu batera bidali dute. Egoera horretan egingo dute bat bi pertsonaiek, grina ezkutu batek batzen dituelarik: atzean utzi duten mundura hegan itzultzekoa.

ANTZERKIA: 'Covek nije tika: Gizona ez da txoria', Deja Bu taldearen eskutik.

LEKUA: Sutegiko auditorioa.

NOIZ: Azaroak 16 ostirala, 22:30h.

SARRERA: 5 euro (Txirristan eta NOAUA! egoitzan). Bazkideek, 3 eurotan baina aldeztu aurretik eta NOAUA!ko egoitzan.



Jende gutxi bildu zen Gosereren kontzertuan

Pasa den azaroaren 9an Sutegira hurbildu zirenek, kontzertu zirikatzaile eta doinu nahasketa bikainez gozatu ahal izan zuten. Horretarako eta gehiagorako eman baitzuen Gosereren emanaldiak. Trikitia nahi bezala astindu zuten, beste musika joera batzuekin nahastuta. Abesti eta taularatze probokatzailea izan zen eskaini zutena. Originala zalantzarik gabe.

Emanaldia ikustera hurbildu zirenak beste abesti baten gogoz geratu ziren. Eskatu gabe ez ziren geratu, baina zalantzen ostean, azkenean ez ziren berriz taula gainera igo. Ia beste batean itzuli eta publikoarekin duten "zorraz" kentzen duten.

Lakrikunen antzerki saioa, bertan behera

Azaroaren 8an hastekoa zen Kultur Hamabostaldia. Lakrikun antzerki taldearen saioa, ordea, bertan behera utzi behar izan zen. Bezperan, antzezle baten senitartekoa hil egin zen eta horregatik ez zen antzerki saiorik izan.



ANTZEZLAN HONEK ACT SARIA JASO ZUEN UDABERRIAN. ANTZEZLEAK ETA TXOTXONGILOAK ELKARREKIN IKUSIKO DITUGU SUTEGIKO TAULA GAIÑEAN.

Kale nagusia, 10
Telf: 943 37 33 48
943 37 09 13

Okidagile - Geroztigile

LABE-GOXO

Patri Jatetxea

X/nagusia 14. ☎ 943 362 725

LATAILLADE ITURGINTZA

GASA BEROKUNTZA
MANTENIMENDUA ETA
KLIMATIZAZIO INSTALAKUNTZAK

Aristitxo 8, behea • 943 563 348 • 809 888 021

Elkarte arteko X. Mus Txapelketa, hastear

Mus txapelketa batek lotuko ditu herriko bederatzi elkarte datozen asteetan. Jada hamargarren ediziora ailegatu da bateko eta besteko bazkideak elkarren arteko lehia jartzen dituen ekimena. Aurtengoa Andatzperi antolatzea egokitu zaio. Elkartetako mus zaleek hitzordua jarria dute beraz.

Asteburu honetatik aurrera karta jokoa nagusituko da herriko bederatzi elkarteetan. Andatzpek, Eguzkik, Ibai Ondok, Peña Pagolak, Aitzagak, Yoko-Garbik, Aginagak, Erroizpek eta Mahaspildegik elkarte arteko mus txapelketan parte hartuko dute. Urtez urte ekimena antolatzeko ardura, elkartearen artean txandakatzen dute. Hamargarreneko xehetasunak lotzeaz Andazpe arduratu da.

SARI IKARAGARRIAK

“Partehartzaileari dirurik eskatzen ez zaion mus txapelketa gutxitako bat da. Eta sari ikaragarriak daude”

Ekimenean parte hartzeko bete beharreko baldintza bakarra, lehen aipatutako elkareren bateko bazkide izatea da. Elkarteen arteko lehia izango da eta inor gutxi geldituko da esku hutsik. “Txapelketa honek duen gauzarik itzelena, sariak dira. Parte hartzen dutenak afari batekin geratzen dira”, adierazi dute antolatzaileek. Herriko jatetxe eta tabernatan afari goxoak mus txapelketan parte hartzeagatik. Baita txapelak, trofeoak, ardo edo xanpaina,... “Parte hartzaileari dirurik eskatzen ez zaion mus txapelketa gutxitako bat da. Eta sari ikaragarriak daude”, adierazi dute antolatzaileek. Biltokien arteko elkarlanaz aurrera atera da ekimena.



ANDATZPEK, EGUZKIK, IBAI ONDOK, PEÑA PAGOLAK, AITZAGAK, YOKO-GARBIK, AGINAGAK, ERROIZPEK ETA MAHASPILDEGIK HARTUKO DUTE PARTE.

Antolatzaileek eskerrak eman nahi dizkiete herriko hainbat jatetxe eta tabernei, iaz ere debalde eman baitziztuzten muslarientzako afariak. Emandako laguntza eskertu nahi dute.

Finala, abenduaren 15ean

Lehen fasea elkarte barruan, sozietate bereko bazkideen artean jokatu da. Gune bakoitzean, bi bikote onenek final handirako txartela eskuratu dute eta abenduaren 15ean larunbatarekin elkartuko dira honenbestez, muslari onenak. 17:00etatik aurrera, bederatzi elkarteetatik finalera ailegatu diren hemezortzi bikoteraren txanda izango da.

4 errege, 4 ustel, 4 hamarreko

Lehenik, zozketa bidez lau bikote aukeratu eta haien artean lau usteletara jokatu beharko dute eta fase horretan galtzaile suertatzen direnak kanporatuak izango dira. Gainerako hamasei bikoteek partida bakarrera jokatu beharko dute. Elkarre bereko bi bikoteek aurrez aurre ez lehiatzeko

zortzi bikoteak bi taldeetan banatuko dira. Musa, lau errege, lau ustel eta lau hamarrekotara izango da.

Iaz Peña-Pagolakoek

irabazi zuten txapelketa

Antolatzaileek parte hartze-ara dei egiten diete bazkideei. “Anima daitezela. Auzo guztietako jendea biltzen da musean jokatzeko eta hori oso polita da”, adierazi dute Andatzpeko kideek. Ekitaldia borobiltzeko afari eder bat prestatuko dute bertaratu diren guztientzat.

Iaz, Kalezar aldekoak garaile suertatu ziren; Peña-Pagolakoak indartsu ibili ziren. Aurten zer gertatuko den laster jakingo da. Abenduaren 15ean izango dugu irabazleen izen abizenen berri. Hasi dadila lehia.

Usurbilgo Andatza Mendi Elkartek argazki eta bideo lehiaketa jarri du martxan

Azken bost urte hauetan bidaia edo mendi ibilaldi interesgarriak egin baduzu eta zure ibiliak ezagutarazi nahi badituzu, anima zaitez Usurbilgo Andatza Mendi Elkartek antolatu duen lehiaketan parte hartzera. Lanak aurkezteko epea azaroaren 26an amaituko da.

Andatza Mendi Elkartek ekimen berri bat jarri du martxan: argazki eta bideo lehiaketa. Hauexek dira lehiaketan parte hartzeko kontuan izan behar diren oinarriak:

1.- Lana diapositibetan edo modu digitalean aurkeztu beharko da (argazkiak edo bideoa). Azken bost urte hauetan gauzatu den bidaia edo mendi irteera baten ingurukoa izan beharko du. Lanaren kopia bat bidali beharko da, originala jabearen esku geratuko da.

2.- Iraupena: gehienez 30 minutu.

3.- Lana aurkezteko azken eguna eta lekua: azaroaren 26a astelehena, arratsaldeko 19:30ean Usurbilgo Udala.

Liburutegian (Sutegi eraikina. Irazu kalea, 14. 20170 Usurbil).

4.- Hiru sari izango dira: 300, 200 eta 100 euroko balioa duten hiru bono kirol materiala erosteko, Andatzak zehaztutako kirol denda batean.

5.- Epaimahaia: Andatza Mendi Elkartea.

KONTUAN HARTUKO DENA

“Esperientzia, originaltasuna, hizkuntzaren egokitasuna eta aberastasuna, material grafikoaren kalitatea eta mapa zein bestelako osagarrien ekarpena”

Lanak epaitzerakoan, ezaugarri hauek hartuko dira kontuan: esperientzia eta kontakizunaren originaltasuna, hizkuntzaren egokitasuna eta aberastasuna, material grafikoaren kalitatea eta mapa eta bestelako osagarrien ekarpena.



MENDI ASTEAN ERAKUTSIKO DIRA
LEHIAKETA HONETARA AURKEZTUKO
DIREN LANAK.

Aurkeztutako lanak Mendi Astean erakutsiko dira

Aurkeztutako lanak Andatza Mendi Elkartek abenduan antolatuko duen Mendi Astean erakutsiko dira jendaurrean. Aurkeztutako lan kopuruaren arabera erabakiko da jendaurrean erakutsiko diren zenbatekoa.

Informazio gehiago jasotzeko, hona hemen Andatza Mendi Elkarteen kontaktua: andatzake@usurbil.com

0-3 urteko haurren gurasoentzat hitzaldia

Haur Eskolan

Oinarriak Eraikiz Haur Eskolako guraso elkarteak beste hitzaldi bi antolatu ditu.

Jon Perez de Arriluzea psikomotritizitatean aditua da eta Haur Eskolara hurbilduko da azaroaren 22an lehenik eta azaroaren 29an bigarrenik.

0-3 urte bitartean, haurrek igarotzen dituzten fase desberdinei buruz mintzatuko da. Interesa duen orok parte har dezake hitzaldi hauetan. Arratsaldeko 18:00etan hasiko dira bi hitzaldiak. Informazio gehiago: 943 374 061.

Datorren astean, Zubeldia taldearen bazkaria Aginagan

Zubeldia taldeko kideek datorren astean egingo dute urte amaierako ohiko bazkaria. Iaz bezala, Aginaga sagardotegian bilduko dira Peña Zubeldiakoak. Bazkarian parte hartzeko, alde aurretik txartela eskuratu behar da. Txiribogan jarriko dira salgai, 28 eurotan.

Azaroak 24, larunbata. Egun horretan bilduko dira Zubeldia txirrindularien senideak eta lagunak. Izena emateko epea bezperan itxiko da, azaroaren 23an. Beraz, txartela garaiz eskuratzea gomen-dagarria da.

Abenduaren 8an, odol-emaileen bazkaria Atxegan

Ohikoa den bezala, abenduaren 8an Usurbilgo Odol-emaileen Elkartekoek urte bukaerako bazkaria egingo dute. Zendutako odol emaileak gogora ekarriko dituzte lehenbizi eta gero Atxega jauregian bilduko dira. Bertaratu nahi duenak, elkarteko ordezkariekin jar dadila harremanetan:


Patxi	615 760 458
Agustina	943 363 102
Kattalin	943 362 139
Maite	943 366 040

Txartelak 30 euro balio du. Bertaratu nahi duenak, azaroaren bukaerarako dei dezala izena emateko.

Ezetz asmatu

Kaixo, 3. mailako ikasleak gara. Ea hitz gurutzatu hauek asmatuaz, GOITIK BEHERA dagoen hitza asmatzen duzuen.

Pista bezala esango dizuegu, orain arte landu dugun gaia izan dela.



1. Herri edo hiri bat osatzen duten zatiak.
2. Gure herriko Kultur Etxearen izena.
3. Usurbilgo auzo baten izena.
4. Gure herritik pasatzen den Gipuzkoako ibairik luzeena.
5. Euskal Herriko probintzia bat.
6. Ikastera joaten garen tokia.
7. Elkar gurutzatzen duten bide ugari dituen eraikina edo lekua. Bertatik ateratzea oso zaila da.

Udarregi ikastolakoak

Andoaingo euskal jokoan topaketan

Azaroaren 9an mugimendu berezia izan zen Andoaingo Goikoplazan. Udarregi ikastolako ikasleak, Andoaingo Aita Larramendi ikastolakoekin lehiatu ziren euskal joko ezberdinetan.

Txingak, lokotsak, soka-tira eta beste hainbat euskal jolasetan aritu ziren bi herrietako gazteak. Ondo

pasa, kirola egin eta bertako joko eta kirolak ezagutuz lagun berriak egiteko aukera paregabea izan zuten gazteek.

Ikusmina

Goizeko 09:30ak aldera ekin zioten lehiari eta giro berezia jarri zuten Goikoplaza inguruan. Bertatik pasa zirenen ikusmina ere piztu zuten.



46 usurbildar Behobia-Donostian

Eguraldi ederraren laguntzaz, korrika eta festa uztartuaz ikuskizun polita izan zen pasaden igandean Behobia-Donostia lasterketaren 43. edizioan. 12.700 lasterkari izan ziren irteera puntuan eta tartean usurbildarrak ere baziren. 20 kilometro eta 200 metroko ibilbidea egin behar izan zuten, aurreko edizioetan baino 100 metro gehiago, eta 46 herritar izan ziren proba hau amaitzea lortu zutenak.

Gizonezkoak ziren 40 eta emakumezkoak 6. Antolatzaileen webgunetik ateratako sailkapenaren arabera datuak dira jarraian datozenak, eta agian okerre bat izango da, dortsaldaketak eta abar dezente izan baitira aurtengo edizioan. Iñaki Añorga izan zen herriko korrikalarien artean denboraren onena egin zuena: ordubete, 17 minutu eta 17 segundu. Emakumezkoen artean, berriz, Arantxa Eizagirre eta Rosa Udabe bost segundoko tartean sartu ziren, ordubete eta 29 minututik behera eginez.

Behobia-Donostia lasterketa'07

Juan Mari Agote Goiaran	01:30:21
Mikel Alkorta Alustiza	01:21:04
Lorea Aldabaldetrekua Agirre	01:59:15
Iñaki Añorga Unanue	01:17:17
Gerardo Armendariz Azpiroz	01:26:08
Xabier Arruti Landa	01:23:33
Mikel Artola Azkue	01:36:21
Pedro Caceres Navajas	01:50:26
Alex Castander Urrutia	01:34:07
Jose Castro Manterola	02:05:33
Cesar De la Fuente Garcia	01:46:31
Iñaki Eizagirre Sagardia	01:43:06
Arantxa Eizagirre Zaldua	01:29:45
Haritz Esnal Odriozola	01:40:20
Juanjo Estevez Martin	01:23:58
Idoia Ezeiza Iruretagoiena	01:29:56
Iker Ibarra Ibens	01:57:03
Mikel Ibarreta Borda	01:38:29
Eduardo Jauregi Torrecilla	01:38:32
Aitor Jauregi Urdanpilleta	01:32:35
Carlos Jimenez Goya	01:42:50



GUZTIRA, 12.700 IZAN ZIREN BEHOBIA-DONOSTIA LASTERKETAN PARTE HARTU ZUTENAK. TARTEAN, 46 USURBILDAR.

Zuriko Lataillade Aizpurua	02:58:00
Juanjo Lertxundi Azkue	01:33:46
Karmele Liceaga Alcantara	01:46:43
Alfonso Lopez Garcia	01:35:35
Patxi Marin Isasa	01:26:58
Iban Maritxalar Elizondo	02:09:30
Haritz Martin Lizaso	01:33:41
Iñaki Mayoz Rekondo	01:45:55
Alazne Olaizola Iparragirre	01:34:54
Andoni Olano Zugasti	01:29:30
Aitor Otamendi Lizarazu	01:55:06
Xabier Orbegoza Mujika	01:39:57
Juan Carlos Perez Lizarralde	01:24:45
Edorta Perez Pineda	01:26:54
Joxe Mari Portu Azpiroz	01:54:59
Francisco J. Rabano Rubio	01:26:24
J. Rekondo Etxeberria-Bereiartza	01:45:37
Joseba Rezola Eizagirre	01:43:38
Arkaitz Rezola Mendikute	01:27:31
Jose Sanchez Garcia	01:34:43
Jose Mari Seoane Mayoz	01:30:16
Jon Tapia Lizarraga	01:19:37
Alex Udabe Pagola	01:33:01
Rosa Uribe Navarro	01:28:50
Jabier Zubiria Ayerza	01:32:05
Aimar Zuloaga	01:32:41

JOSU ARANBERRI

Lau eskubaloitako partida

Lehen Territorial mailako taldeak Leibarko Haritz taldearen aurka jokatu du. Igoera fasea jokatzeko txartela ematen duten hiru lehenengo postuetako bat lortu ahal izateko Jose Lorentzok zuzendutako taldearentzat ezinbestekoa izango da garaipena lortzea. 2. Territorial mailakoak Irungo Gaztiak liderra izango du aurrez aurre eta etxean lehen garaipena lortzen saiatuko dira, kanpoko bi neurketak irabazi ondoren. Jubenil mailako mutilen taldeak euren puntu kopuru bera duen Arrasateren aurka neurtuko ditu indarrak eta, azkenik, kadete mailako nesken taldeak ere Oiardon jokatu du Consulting Social Alavesen aurka.

Erregional mailako bi taldeak Haranen

Usurbil Futbol Taldeko erregional mailako 2 taldeek Haranen jokatu dute larunbat arratsaldean. Bigarren taldeak Tolosako Amaro taldearen aurka jokatu du eta etxean partidarik galdu gabe jarraitu nahiko dute oraindik ere. Lehenengo taldeak, berriz, Urnieta izango du aurrez aurre.

Agenda !

Azaroak 16 ostirala

- "Gizona ez da txoria", Deja Bu taldearen antzerki saioa. 22:30ean Sutegin.

Azaroak 17 larunbata

- Ikasle Eguna '07 (ikus 10. orrialdea).

Azaroak 20 asteartea

- Pello Añorga ipuin kontalaria 18:00etan udal liburutegian, Sutegin. Sarrera: doan. Norentzat: 6 urteko umeentzat. Antolatzailea: Udala.

Azaroak 21 asteazkena

- Transgenikoei buruzko hitzaldia Sutegin. 19:30etik aurrera.

Azaroak 22 osteguna

- Jubilazioari adarretatik helduz. 18:30ean Sutegin. Hizlaria: Izar Arregi psikologoa. Sarrera doan.

Azaroak 25 igandea

- Umeentzako ikuskizuna: Robin eta Hood. 17:30ean Sutegin. Sarrerak, aldez aurretik, 2 euro kiroldegian. Sutegiko lehiatilan, egun berean 3 euro.

KzGuneko ikastaroak

Azaroako ordutegia: 16:00-20:00.
Abenduko ordutegia: 9:00-13:00.
Telefono zenbakia: 943 361412.

Hitz-Ahok antolatutako azken saioa, hilaren 21ean

Azaroaren 21ean eskainiko Adu Joxe Amiama psikopedagogoak hiru hitzaldietan, azkena. Famili alorreko komunikazioa landuko da bertan. Haur Hezkuntza eta Lehen Hezkuntzako ikasleen gurasoei zuzenduko da, Hitz-Aho guraso elkarteak antolatuko ekimena. Saioak irauten duen artean, haurtzaindegi zerbitzua eskainiko da. Hitzordua, hilaren 21ean 17:00etan Udarregi ikastolako erdiko aretoan.

Errausketaren aurkako mural bat egiteko lehiaketa antolatu da

Potxoenea etxearen atzeko paretean (parke aldeko paretean), mural bat egin nahi du Usurbil Bizirik plataformak. Ekimen honen bitartez, errausketari oposizioa eta alternatiben, birziklapenaren eta herri osasuntsuago baten aldeko aldarrikapena islatu nahi dute. "Herritar guztiak animatu nahi ditugu beraien ideiak bidaltzeko eta ondoren mural dotore bat egin ahal izateko", adierazi digute Usurbil Bizirik plataformako kideek.

Lehiaketaren oinarriak hauek dira:

Formatua: librea. Bakoitzak bere ideia nahi duen bezala aurkez dezake.

Nola aurkeztu: marrazkiak atzean egilearen izen-abizenak eta telefono zenbakia eduki beharko ditu.

Epea: lanak aurkezteko azken eguna abenduaren 10a izango da.

Tokia: hiru gune egongo dira lanak aurkezteko:

-Ikastolako sarreran egongo den



POTXOENEN PARTEN HONETAN
EGINGO DA MURALA.

kaxan.

-Udal liburutegiko sarreran egongo den kaxan.

-Susana Martinen klaseetan egongo den kaxan.

Nori zuzendua: Haur, gazte eta helduak.

Saria: lana herriko pareta batean erreproduzitura ikustea.

Abenduaren 22an egingo da murala

Usurbil Bizirik plataformak aditza eman duenez, murala abenduaren 22an marraztuko dute. Eta muralaren osaketan ere, nahi duenak parte hartu ahal izango du.

Sabel dantza ikasteko aukera berri bat abenduan

Guraso Eskolak antolatu duen Sabel dantza ikastaroak harrera bikaina izan du. Horregatik, abendutik aurrera beste ikastaro bat martxan jartzea erabaki dute.

Ikastaroa Bake Epaitegi atzeko aretoan eskainiko da, astelehenetan arratsaldeko 18:00etatik 19:30ak arte. Beraz, lehenengo txandan kanpoan geratu zirenak edo animatzen direnak, abendua baino lehenago izena eman beharko dute ondorengo telefono zenbakian: 615006535 (Ana).

Asteazkenean, Santa Xexiliren omenez kalejira

Santa Xexiliren omenez, Zumarte Musika Eskolak kalejira antolatu du. Santa Zexilia (musikarien eguna) azaroaren 22an ospatzen bada ere, Zumartek bezperan egingo du kalejira, hilak 21 asteazkena. alboka taldeak, trikitixa taldeak eta txistu eta talde instrumentalak hartuko dute parte. 19:00etan irtengo da kalejira Musika Eskolatik eta Kale Nagusitik barrena abiatu ondoren, herriko hainbat kale musikaz girotzen joango dira.

ETXEBIZITZA

- Pisu bat salgai. Santuenea auzoan, 16 zenbakia 4 pisua, 33. milioitan (negoziagarrria). Interesatuak: 667802888.
- Usurbilen bi logelako etxe bat daukagu salgai. 666 539284.
- Usurbilen 2 logelako etxe bat daukagu alokatzeko. 620565731.
- Pisu bat edo etxe bat alokatu nahiko nuke. 650082049.
- Hiru logeletako etxe bat salgai, kaxkoan. Igogailua, ganbara eta balkoiduna. 655 72 06 66.
- Pisua alokatuko nuke Usurbilen. Telefono zenbakia: 943 36 02 45 / 661 702 708.
- Salgai. Kaxkoan, 3 logelako etxea trasteroarekin. Garajea aukeran. 685731792
- Bi gela edo gela bateko apartamentu baten bila nabil Usurbilen. 687 650 066 (Maria).
- Pisu bat edo etxe bat alokatu nahiko nuke. 650082049

SALEROSKETAK / GARAJEAK

- Citroen Picasso Diesel salgai. 4 urte. 617 24 26 60 (Nere).
- Aprilia RS 50, 12 CV, 2006ko motoa salgai. Urtebeteko garantia, 10.000 kilometro eginak. Prezioa: 1800 euro. 943 370063.
- Moto bat saltzeko, Richoo RR beltza, 49 cm3. 649 302 733 (David). Ondo zaindua, "extra" asko.
- Estrenatu gabeko Aprilia Scooter SR 50 motoa saltzen dut. 649 356 081.
- Garaje itxi bat alokatzen dut Artzabalen. 647 120 253.

LANPOSTUAK

Lan-eskaintzak

- Ingelera emango duen irakasle bat behar da Zubietan, astean behin edo bitan kla-

seak emateko. 943 36 07 59 (Pello).

- Astean bi egunetan etxeko lanak egin eta tarteka umea zaintzeko pertsona baten bila nabil. Irailetik aurrera hasteko. 627278907.
- Urte osoz, astebukaeratan lan egiteko zerbitzari baten bila gabiltza. Telefono zenbakia: 943366710.

Lan-eskaerak

- Etxeko lanak egiteko edo umeak zaintzeko emakume bat eskaintzen da. 636934237.
- Etxeko lanak egiteko emakumea eskaintzen da. Goizez edo arratsaldean lan egiteko prest. Deitu: 679 79 61 01.
- Emakume euskaldun bat eskaintzen da, egunero lauzpabost ordu lan egiteko. Egun osoko disponibilitatea. 687348223.
- Fisikako ikaslea, uda honetan matematika eta fisikako klaseak emateko prest. 943 37 12 77 / 685 772 602 (Nerea).
- Pertsona helduak zein haurrak zaintzeko edo etxeko lanak egiteko neska bat eskaintzen da. 677343326
- Emakume bat eskaintzen da etxeko lanak egiteko, pertsona helduak zein haurrak zaintzeko. 630274906
- Emakume bat eskaintzen da umeak edo pertsona helduak zaintzeko. Telefono zenbakia: 676221378.
- Neska bat eskaintzen da umeak zaintzeko zein etxekolanak egiteko. Egun osoko disponibilitatea. 679742413.
- Portalak eta eskaierak garbitzeko neska bat eskaintzen da. Esperientzia horrelako lanetan. 690 784 113.
- Oporrak, ospakizunak, edozein motatako bideoak montatzen dituen profesionala eskaintzen da. 943555835/ 617 242 660.

- Etxeko lanak egin, pertsona helduak zaindu edo jatetxe batean lan egiteko prest nago. 610 669 335.
- Neska bat eskaintzen da etxeko lanak egiteko eta umeak zein pertsona helduak zaintzeko. 618434990.
- Etxeko lanak egiteko edo pertsona helduak zein haurrak zaintzeko emakume bat eskaintzen da. 620 646 769.

BESTELAKOAK / GALDUTAKOAK

- Zilar edo urre zuriko lepoko bat topatu genuen uda partean eta udaltzaingoan utzi dugu. Galdu duenak han galde.
- Kotxeko aulkixoa salgai. Maxi Cosi Priori XP. 110 euro, erdi prezioan. 652 764 620.
- Pottoka salgai, kalifikatua eta subentzioa jasotzen ari dena. 626 220925.
- Egurrezko aulkiak salgai. Aritz egurrez eginikoak. 943 36 20 49.
- Lur zatitxo bat hartuko nuke, baratxiki bat osatzeko. 615744076.
- Bigarren eskuko trikitixa bat erosiko nuke. 656 76 52 13.
- Añamendi enziklopediaren 80 tomo salgai: 635733984.
- Benelli repetidora salgai 600 euro. 645 735750.
- Mercedes Vito Mixta 112 CDI bat saltzen dut. Aire egokitua, kristal tintatuak, bigarren bateria, berogailu autonomoa... Dena hornitua, 610 431 999.
- 5 urte dituen Renault Megane Coupe bat daukat salgai. 637 760 852.
- Snow egiteko tabla bat fijazioekin salgai. Tf: 679 185 102.
- Argazki zaharrak berritzen eta txukuntzen dira. Baita bideoak editatu ere. 617 242 660/ zapore@euskalnet.net

HERIOTZAK

Francisco Arruti Munduate
Azaroaren 8an hil zen,
85 urte zituela.



HERIOTZAK

Hilaria Aizpurua Zeberio
Azaroaren 10ean hil zen
90 urterekin. Kaleberri.



HERIOTZAK

Teresa Garzon Aliaga
Azaroaren 11n hil zen
75 urterekin. Kaleberri.



Oharra: *Jaiotzak*, Usurbilgo Bake Epaitegitik jasotako datuak. Merkatu Txikirako mezuak, zorion agurrak, hildakoen edota jaioberrien aipamenak orri honetan ikusi nahi badituzu, honako telefono zenbakira deitu bulego orduetan: 943 360 321.

E-posta: erredakzioa@noaua.com

Gure Lur txikiak ere urtebete betetzen du azaroaren 19an. Eta hara! Urte bat hori ere jan nahi digu! Zorionak eta muxuak. Etxekoak.



Zorionak wapissimo!!
2 urte handi beteko dituzu azaroaren 20an! Txokolatzeko muxutxuak eta besarkada bero bat maite zaitugunon partez.



Otar-Goxo

Elkagaiak



* (J.I.) - Lizarriko txandepan

1. Otarra

"Clayrot" kiantza botila ardoa
Ametzoi txakolin botila
Urteina sagardo natural botila
Ezkur-berko patesila 100gr
Ezkur-berko solomoa 150gr
Ezkur-berko txorizoa 100gr
Idiazabal Gazta "El pastor Vasco" (J.I.)
Foie zetidun Bloo medallioia
"Mendivia" esparrago lata
Gula potoa
"Eceiza" turroi artesanoa

60€

2. Otarra

"Marqués del Puerto" kiantza botila ardoa
Ametzoi txakolin botila
"Sumarroca" Cava botila
Ezkur-berko urdiazpikoa 100gr
Ezkur-berko solomoa 150gr
Ezkur-berko txorizoa 100gr
Erronkariko Gazta (J.I.)
Foie medallioia
Ahate konfita
"Gaiñuri" Tipula-saltsa potoa
"Lorea" Kantauriko hegaluza potoa
Lodosako "Catedral" Piper pikilo potoa (J.I.)
"Mendivia" esparrago lata
Gula potoa
Piku lehorren potoa
"Eceiza" turroi artesanoa

100€

3. Otarra

"Fausino Irueni" emeserba botila ardoa
"Clayrot" kiantza botila ardoa
Ametzoi txakolin botila
"Sumarroca" Cava botila
Ezkur-berko urdiazpikoa 150gr
Ezkur-berko solomoa 150gr
Ezkur-berko txorizoa 100gr
Idiazabal "Aranburu" Gazta (J.I.)
Te eta Jengibre duin Foie medallioia
Ahate urdiazpikoa
"Armaspido" Ontxo potoa
"Lorea" Kantauriko hegaluza potoa
"Lorea" Kantauriko antxo potoa
Lodosako "Catedral" Piper pikilo potoa (J.I.)
Lodosako "Catedral" Esparrago potoa (J.I.)
Gula potoa
Piku lehorren potoa
"Eceiza" turroi artesanoa

140€

ZUBIAURRENEA, 2. VSURBIL • TEL. 943 36 55 81

Egin zaitez bazkide

Zure laguntza ere beharrezkoa da



BAZKIDETZA ESKAERA

Izen deiturak: _____
 Jaiozte data: _____ Sexua: _____
 NAN zenbakia: _____
 Helbidea: _____
 Herria: _____ Posta kodea: _____
 Bizibidea: _____
 Tel: _____ e-mail: _____
 Banketxea: _____
 Kontu korronteko zkia (zadigituak): _____

Bazkide KUOTA: 36€
 (Uztailen kobratuko da kontu korrontetik)

Informazio gehiago: elkartea@noaua.com • ☎ 943 36 03 21



Azaroak 16,
ostirala 22.30h

Deja BU

panpin laborategiaren eskutik

**“Covec nije
ptika: Gizona
ez da txoria”
Antzeziana**

Noaua! Kultur hamabostaldia

2 0 0 7 k o a z a r o a

sarrerak salgai Noaua! eta Txirista tabernan.

Bazkideek Noaua!ko egoitzan merkeago izango dituzte.

